

ՄԱՍ 7. ՏԵՂԵԿԱՏՎԱՀՐԱՏԱՐԱԿՉԱԿԱՆ ԳՈՐԾՈՒՆԵՈՒԹՅՈՒՆ

Հաշվետու ժամանակահատվածում, Ծառայության կողմից, ըստ տարիների հրապարակվել և վիճակագրական տեղեկատվության սպառողներին են տրամադրվել հետևյալ քանակի վիճակագրական հրապարակումներ (ներառյալ՝ «Հայաստանի Հանրապետության սոցիալ-տնտեսական վիճակը» տեղեկատվական ամսական զեկույցը (հայերեն և ռուսերեն))՝ 2007թ. -ին 61 անուն, 2008թ.՝ 57 և 2009թ.՝ 59 անուն:

Հաշվետու ժամանակահատվածում Ծառայության վիճակագրական հրապարակումներն իրականացվել են ինչպես Հայաստանի Հանրապետության պետական բյուջեի, այնպես էլ արտաքին ֆինանսական աջակցությամբ և ըստ տպաքանակների կազմել, համապատասխանաբար՝ 2007թ.-ին 12017 միավոր, 2008թ.՝ 11721 և 2009թ.՝ 11161 միավոր:

Ծառայության հիմնական օպերատիվ վիճակագրական հրապարակման՝ «Հայաստանի Հանրապետության սոցիալ-տնտեսական վիճակը» տեղեկատվական ամսական զեկույցների բովանդակությունը ներկայացվել է ըստ Արժույթի միջազգային հիմնադրամի մշակած Տվյալների տարածման համակարգի հատվածների: Տեղեկատվական ամսական զեկույցներն ամսական պարբերականությամբ ներկայացվել են հակիրճ, եռամսյակային պարբերականությամբ ներկայացվել են առավել մանրամասն, ընդլայնված ու ընդհանրական: Եռամսյակային պարբերականությամբ զեկույցներում ընդգրկվել են «Անկախ պետությունների համագործակցության երկրների հիմնական մակրոտնտեսական ցուցանիշների միջազգային համադրումներ» (ըստ Անկախ պետությունների համագործակցության Միջպետական վիճակագրության կոմիտեի տվյալների), «Հետաքրքրաշարժ վիճակագրություն», «Մեթոդաբանական պարզաբանումներ» և «Ծառայության փաստացի հրապարակումների ցանկը» հավելվածները:

Չեկույցներում արտացոլված, ինչպես նաև վիճակագրական այլ տեղեկություններ գետեղվել են Ծառայության <http://www.armstat.am> և Արժույթի միջազգային հիմնադրամի <http://dsbb.imf.org/Applications/web/dsbbhome/> ինտերնետային կայքէջերում:

Արժույթի միջազգային հիմնադրամի ՏՏՀՍ տեղեկագրում առկա է Հայաստանի վիճակագրության համապարփակ մեթոդաբանությունն անգլերենով, իսկ նույն ստանդարտի Ծառայության կողմից վարվող Ազգային ամփոփ տվյալների էջում <http://docs.armstat.am/nsdp/> երկրի համապատասխան տվյալները: Չանգվածային լրատվամիջոցներով տարածման համար, ամսական պարբերականությամբ պատրաստվել և տրամադրվել է «Հայաստանի Հանրապետության սոցիալ-տնտեսական վիճակը բնութագրող ընթացիկ-օպերատիվ ամփոփմամբ ստացված նախնական հիմնական մակրոտնտեսական ցուցանիշները», «Հայաստանի Հանրապետության սպառողական գների ինդեքսը», եռամսյակային պարբերականությամբ՝ Հայաստանի Հանրապետության սոցիալ - տնտեսական վիճակը բնութագրող մակրոտնտեսական ցուցանիշների համառոտագիր» մամուլի հաղորդագրությունները, ինչպես նաև առանձին թեմատիկ հաղորդագրություններ:

Վիճակագրական տեղեկատվության մատչելիության և միաժամանակյա հասանելիության ապահովման նկատառումներով, բոլոր հրապարակումները գետեղվել են Ծառայության ինտերնետային կայքէջում:

Այդ համատեքստում պարբերաբար համալրվել է նաև Ծառայության բաց գրադարանի գրադարանային ֆոնդը, որի արդյունքում 2007թ. հունվարի 1-ի դրությամբ առկա 8210 միավորի դիմաց 2010թ. հունվարի 1-ի դրությամբ առկա գրադարանային ֆոնդը կազմել է 10260 միավոր (համապատասխանաբար՝ 2008թ.՝ 8720, 2009թ.՝ 9500): Վիճակագրական գրականության ֆոնդը համալրվել է ինչպես Ծառայության վիճակագրական հրապարակումների, այնպես և աշխարհի տարբեր երկրների վիճակագրական ծառայություններից և միջազգային կազմակերպություններից (մասնավորապես՝ Միավորված ազգերի կազմակերպության, Արժույթի միջազգային հիմնադրամի, Համաշխարհային Բանկի, Եվրամիության վիճակագրական ծառայության (Եվրոստատ), Անկախ պետությունների համագործակցության Միջպետական վիճակագրական կոմիտեի և այլն) ստացված գրականության հաշվին:

Ծառայության գրադարանում գետեղվել են նաև Ծառայության վիճակագրական հրապարակումների (ժողովածուներ, տարեգրքեր, տեղեկագրեր և զեկույցներ) 2-ական օրինակներ:

Հաշվետու ժամանակահատվածում Ծառայության բաց գրադարանից օգտվել է 1510 այցելու (այդ թվում՝ 2007թ.՝ 620, 2008թ.՝ 410 և 2009թ.՝ 480), այդ թվում՝ գիտական հաստատություններից՝ 17.0%, կրթական ոլորտից (դասախոսական անձնակազմ, ուսանողներ, ասպիրանտներ)՝ 52.0%, պետական մարմիններից՝ 23.0% և այլ (միջազգային կազմակերպություններից, լրագրողներ, քաղաքացիներ)՝ 8.0%: